



ALBUM: Sesi bergambar bersama Naib Canselor UMS dan para peserta.

Kolej Kediaman Excellent adakan sambutan Maulidur Rasul

UB 14-11-2019 15

KOTA KINABALU: Exco Kerohanian, JAKMAS Kolej Kediaman Excellent, Universiti Malaysia Sabah (UMS) mengadakan program Sambutan Maulidur Rasul 1441Hijrah.

Program ini dijalankan di Cafe Kolej Kediaman Excellent, UMS bermula pada jam 7.30 malam dan berakhir pada 10.30 malam.

Program ini terbuka kepada semua warga UMS terutamanya mahasiswa-mahasiswi Kolej Kediaman Excellent.

Program ini diadakan dengan tujuan membina jadi diri pelajar untuk menjadikan Rasulullah S.A.W sebagai model.

Selain itu, melalui

penganjuran program ini pelajar juga dapat memperingati hari kelahiran dan perjuangan Rasulullah S.A.W sekali gus dapat merapatkan ukhuwah antara warga UMS terutamanya di Kolej Kediaman Excellent.

Antara pengisian yang terdapat semasa program berlangsung adalah forum yang bertajuk 'Cabaran dan Isu Perjuangan Belia Milenial Dalam Menegakkan Syiar Islam di Bumi Malaysia'.

Forum dikendalikan oleh seorang moderator iaitu Muhammad Ariff Syahrifin Mat Rabuan dan tiga orang panel.

Panel yang pertama

merupakan Naib Canselor UMS iaitu Prof. Datuk. Dr Taufiq Yap Yun Hin. Manakala Pengarah Pusat Islam UMS Dr Sarip Adul selaku panel yang kedua dan seterusnya Ustaz Muhammad Syafiq Ismail yang juga Exco Dakwah dan Tarbiyah Angkatan Belia Islam Malaysia (ABIM) sebagai panel yang ketiga.

Melalui forum yang dijalankan, Dr. Taufiq menjelaskan mengenai bagaimana cara mengatasi fahaman-fahaman yang menggunakan agama untuk kepentingan peribadi.

Manakala, Dr. Sarip pula menjelaskan bahawa dalam usaha menegakkan syiar Islam, teknologi yang

dimiliki pada masa kini hendaklah dimanfaatkan dengan sebaiknya.

Seterusnya, Ustaz Syafiq pula menjelaskan bahawa sesuatu perkara yang dilakukan hendaklah kerana Allah.

Melalui program ini memberikan banyak pendidikan kepada warga UMS dalam usaha menegakkan syiar Islam di samping mengingati perjuangan Rasulullah S.A.W pada zaman dahulu.

Diharapkan program ini dapat dijadikan sebagai satu batu loncatan kepada warga UMS untuk menghadapi cabaran-cabaran dalam usaha menegakkan agama Allah.